



# Laerskool Swartkop

H/v Viking & Campbellweg Valhalla 0185 Posbus 21025 Valhalla 0137  
Tel 012-654-1181 Faks 086-560-1819  
e-pos [kantoor@laerskoolswartkop.co.za](mailto:kantoor@laerskoolswartkop.co.za) Besoek ons webwerf by [www.swartkop.co.za](http://www.swartkop.co.za)

Grendelstaat  
Nuusbrief 9  
24 Julie 2020

## Uit die Hoof se kantoor



Die akademiese-program is volstroom aan die gang... en leerders, onderwysers en ouers werk kliphard om 'n sukses daarvan te maak. Ons skool was bevoorreg om die akademiese program vir graad RR tot 7 leerders op 20 Julie te kon hervat. Al ons leerders het wonderlik aangepas by die nuwe reëlings. Die leerders kan gekomplimenteer word vir hulle gedrag en dissipline in hierdie moeilike tyd. 'n Besondere woord van dank aan die personeel, onderwysers, bestuur en beheerliggaam wat ons skool se belange op die hart dra om van hierdie moeilike situasie die beste te maak.

Na aanleiding van die aankondiging van President Ramaphosa op 23 Julie gee ons graag die volgende inligting aan u deur. Ons is baie spyt dat skole nou weer gesluit moet word, maar het ons egter geen keuse nie en moet die Regering se opdrag in die verband uitgevoer word:

### Die plan vir die voortsetting van die akademiese program oor volgende paar weke is as volg:

- 24 Julie -** Skole sluit vir alle leerders en personeel.
- 11 Augustus -** Skole heropen vir **graad 7 leerders** (Groep B, Dag 2, Siklus 2)
- 11 Augustus -** **Aanlyn-onderrig hervat vir graad RR - 6 leerders via Teams** (Swarrie Swot Skool) (Intersen-fase Siklus 2)
- 24 Augustus -** Skole heropen vir kontakonderrig vir graad RR - 6 leerders, Groep A, (Intersen-fase Dag, Siklus 3)

Meer inligting rakende die akademiese-program van die grondslagfase sal op die ouerforum-groep met u gekommunikeer word. Ons vra om verskoning as dit vir u ongerieflik is maar hierdie ordereëlings word getref om in lyn met die nuutste maatreëls van die Departement van Basiese Onderwys te kom.

Baie dankie aan al die ouers wat getrou hul skoolgeld bly betaal. Die skool het steeds die normale dag-tot-dag- en salarisuitgawes waaraan ons moet voldoen. Graag versoek ons dat u steeds u finansiële verantwoordelikheid sal nakom, sodat ons steeds die kwaliteit onderrig kan lewer waarop ons leerders geregtig is.

*"Ek dank God vir my gebreke, want deur hulle het ek myself ontdek, my werk, en my God."  
- Helen Keller*

## Die Graad 7 akademiese rooster

	Dag van die Week	Groep by die skool	Roosterdag
Siklus 2	Dinsdag 11 Aug	B	Dag 2
	Woensdag 12 Aug	A	Dag 3
	Donderdag 13 Aug	B	
	Vrydag 14 Aug	A	Dag 4
	Maandag 17 Aug	B	

## Leerders wat positief toets vir Covid-19



Onder die heersende omstandighede moet die skool voldoen aan streng voorkomende maatreëls en ander regulasies wat deur die Departement van Onderwys daargestel is. Ingevolge die voorgeskrewe maatreëls mag ons geen leerder wat enige simptome toon op die skoolterrein toelaat nie. Indien die leerder reeds op die skoolterrein is moet die skool die leerder isoleer en die ouers onmiddellik kontak om die leerder te kom haal. Die leerder moet vir 'n mediese ondersoek na 'n dokter verwys word.

Indien 'n leerder, ouer of familielid infeksie vermoed of wag vir toetsuitslae, moet sodanige leerders tuisbly

totdat die toetsuitslae ontvang is. Indien negatief, mag die leerder terugkeer skool toe. Indien die uitslae positief is, moet ouers die skool asseblief dadelik in kennis stel (kontak vir Me Riana du Toit per e-pos op [kantoor@laerskoolswartkop.co.za](mailto:kantoor@laerskoolswartkop.co.za)) sodat die skool die nodige stappe kan neem. Die relevante openbare gesondheidsamptenare sal die skool adviseer aangaande verdere stappe wat geneem moet word indien nodig. Leerders wat self positief toets, of in aanraking was met iemand wat positief getoets het MOET vir 10 dae in self-isolasie by die huis bly. Die skool sal u kind bystaan met akademiese werk op MS Teams en assesserings wat hy/sy moontlik in hierdie tyd gemis het sal ingehaal word.

## Opedag en Aanlynregistrasies

**Swarrie-inry Opedag:** Baie dankie aan al ons voornemende ouers van 2021 wat ons Inry-Opedag bygewoon het. Dit was 'n groot sukses! U sal binnekort 'n skakel ontvang van die video wat u ook met ander kan deel.

**Aanlynregistrasies vir Graad 1 van 2021:** Ons herinner u net weer aan die Aanlynregistrasies vir Graad 1 vir 2021. Die sluitingsdatum is Saterdag, 25 Julie maar u dokumentasie kan opgelaaai word tot Vrydag, 31 Julie. Alle dokumentasie moet aan die Departement gestuur word behalwe die Inskrywingsvorm wat wel aan die skool gestuur moet word per e-pos na [inskrywings@laerskoolswartkop.co.za](mailto:inskrywings@laerskoolswartkop.co.za). U kan dit ook na u kind se klasonderwyseres stuur sodra die kontakonderrig hervat.

### Swarrie Engele – Kruideniersware projek

'n Paar van ons gesinne word steeds sedert die begin van die inperking van kospakkies voorsien. Ons is egter afhanklik van **skenkings**. Vanaf Dinsdag, 11 Augustus van 08:00 - 12:00 kan kruideniersware by die Adminkantoor afgelewer word. Indien u 'n **finansiële** bydrae wil lewer, kan dit in die skool se **bankrekening** inbetaal word met verwysing "Swarrie Engele fonds". Baie dankie vir u oop hand en hart. Voorstelle vir skenkings soos volg maar enige ander items sal ook baie waardeer word:

- Gr RR/R:** meliemeel, koekmeel of blikkies tamatie- en uie sous
- Gr 1:** pasta of wortels
- Gr 2:** rys of soppoeier
- Gr 3:** Blikkies vleis of lemoene
- Gr 4:** Blikkies groente of ontbytpap
- Gr 5:** Koffie/tee of aartappels
- Gr 6:** Langlewe melk of suiker
- Gr 7:** Toilet papier / badseep of uie



## Skoolklerewinkel



Die skoolklerewinkel benodig asseblief grys langbroeke van alle groottes. U kan dit asseblief skoon gewas en in 'n sak, saam met u kind na die Adminkantoor toe stuur. Die winkel sal steeds nie soos normaal funksioneer nie omdat besoekers nie op die skoolterrein toegelaat word nie. Indien u wel klere wil aankoop kan u vir Me. Hanlie Beukes (083 456 7644) kontak en 'n afspraak met haar maak.

Groete - tot ons mekaar weer ontmoet

**M VAN DER MERWE**  
**SKOOLHOOF**